

元亨釋書

十三卷十四

廿四

特別  
バ4  
5587  
8







大日本延文庚子六月有 旨入昆盧大藏海藏禪院寓居比丘軍況等謹募眾緣恭為

今上皇帝祝延 聖壽久武官僚資崇 祿位國泰民安命工鑄梓與

大藏經印板共行一部計三十卷皆貞治三年甲辰正月

日謹題



元亨釋書卷第十三



濟北沙門 師鍊

撰

明戒六

東大寺普照

唐國法進

唐如寶

道忠法師

豐安法師

東大寺明祐



中川寺實範

泉涌寺俊仍

西大寺睿尊

極樂寺忍性

○釋普照共榮睿入唐留學照思本朝戒學未備勸福先寺道璿東遊又誘揚州鑑真來朝真泛東溟凡五度風濤之難數返數赴其天寶七歲漂日南國之時榮睿役海照遂以天平勝寶六年共鑿真乘遣唐副使大伴胡舶而來歸教居東大寺

○釋法進唐國人姓王氏天平勝寶六年伴鑑

律講以考永式

真來聖武帝同真寵遇七年築壇于東大寺為國受戒真為戒師進為和上寶龜九年寂釋如實唐人與鑿真至戒行清白當代貴之延曆二十三年正月奏開律講于招提寺弘仁五年正月化

○釋道忠事鑿真真戒學真稱持戒第一嘗為東州導師好行利濟民俗呼菩薩

贊曰佛教之為利也先往後已不唯已為利又令他為利是釋氏之綱紀也照師勸璿伴



○真有意於此乎。雖段獯鄉名不亡矣。我尋  
真之徒不得。纔得二三子。立為戒之稱首焉。  
○釋豐安。參州人。招提寺如寶之徒也。大同帝  
貴為師。

○釋明祐。賀州人。精戒律。兼稟華嚴于觀宿。以  
選為東大寺戒壇和尚。每夜宿大殿。不寢房  
舍。應和元年二月病先死。三兩日飲食不進。  
徒弟白曰。不食久。乞羞糜。饘對曰。齋時已過。  
況期又過。生卒無之。今豈破齋乎。及晚念佛。

而化實十八日也。年八十四。  
贊曰。律學中微我求而不得矣。纔一二而已。  
豈其中出少人乎。惜哉。

○釋實範。姓藤氏。諫議大夫顯實第四子也。初  
投興福寺。學相宗。又如醍醐寺。稟密法于嚴  
覺先。一日覺夢。青龍出庭池。矯首噴清水。翌  
日語徒曰。今日當有受法人。汝等灑掃道場。  
果範來。由是傾底而付。又之橫川明賢所。問  
台教。範博搜索諸宗。而嘆律幢之傾頽。乃加



好相者  
入律家者  
未得好相  
不能得度  
故欲度者  
勤行精進  
發誓願而  
祈好相  
後得成比  
丘也  
好相者  
者乃靈  
善寺也

心披尋乃念言戒貴傳授我雖精究爭奈無  
師承何一夕夢自招提寺以銅甕通清水干  
中川覺以謂是好相也明曉赴招提招提鑑  
真後數世院宇廢替僧眾不居庭廡之間半  
為田疇範入寺不見比丘傍有秃丁鞭牛耕  
田範問曰真公影堂何在秃丁指某所範亦  
曰此寺無比丘乎對曰我雖不全儀相曩少  
聽四分或本範生難道想就乞秃丁便脫犁  
放牛洗手畎水將範向影堂中親授範已得

支那律宗始千曹魏曇摩訶羅其後絕而不絕至唐宣律與之其後又絕宋靈芝大智律師又與之

戒傳即歸中川寺開律講行竭磨自此戒法  
亦興初範在忍辱山採花至中川山見地勝  
形申官建伽藍名曰成身院後移居光明山  
而終嘗述大經要義七卷竹堂解脫上人貞慶法師稱之  
贊曰予見支那本邦之律法相似同矣蓋絕  
而又興興而又絕其興絕之間世有人乎今  
考範師之事有人之謂也善哉銅甕之好相  
也吾佛亦或言之矣

好相之事者  
吾佛之吐聲也

釋俊初字不可棄肥之後刈飽田郡人母藤



十八部主者  
自佛至禰多  
律修浪而不  
分禰多徒中  
分律於五分  
各持一部其  
後又分十八  
部矣

氏生而數日母棄樹下經三日無禽獸之害  
阿姉往見之以為祥見抱歸付母乳養以故  
仍自字焉或問所由曰十八部主中有大不  
可棄者生棄池中魚驚戴游三日不死然後  
收育予生似之故自名云四歲時母氏與其  
舅池邊寺珍曉童稚而有老成之量七歲讀  
佛書纔終即誦又暗書焉九歲州之味木縣  
吏源憑見其幼敏而無父養而為子名曰自  
然一日憑延飯田山寺僧讀大般若經憑以

仍聰慧雖稚而加僧真諸比丘讀至奇字試  
問仍仍應對詳悉諸僧相顧歎異共字之曰  
音義十歲讀妙法華六日而終焉十四從飯  
田之真俊學顯寂之教俊者台嶺座主忠尋  
之上足也仍苦學精勤邁於倫輩十八落髮  
十九於大宰府觀世音寺受具戒一日忽喟  
歎曰三學之中戒惟為地若不精持豈為佛  
儀乎便脫單衣著褐彩負笈出四關往來南  
北二京扣諸名宿於大小戒律篇聚開遮不



通之者久矣後鳥羽建久九年欲入宋謂諸徒曰我  
思赴異域求勝法若不精勵豈堪傳授我又  
自見志操始十月十六尅一百日絕眠精坐  
以徒三十人結為六番置一杖子約各更持  
待睡昏時以杖撞醒歷期無怠眠所命禪杖  
屋角塵深百日之間晝乃開講夜伴當衆身  
無少惱目精又不有患十年四月率秀賀二  
弟附商舶泛滄溟五月初著宋之江陰軍即  
寧宗慶元五年也遊歷兩浙名利登天台蹊

石橋蒸餅拳左麓供茶於五百應真又到雪  
竇中崑咨受禪要入臨安登徑山見蒙菴聰  
禪師明年春還四明依景福寺如庵了宏律  
師習律部之三年矣持犯開遮宿滯水泮嘉  
泰二年冬離明州又之台刈居赤城寺明春  
禮智者塔安居佛隴大慈寺所謂銀地者也  
偶有浙西僧盛稱北峯之道舉仍激慕蘭之  
志徑到秀州華亭縣超果教院印開室前拂  
歷八歲天台教觀精習無遺印或時召門人

北峯東印四明正法台宗英也



宋寧宗朝  
九月侵界

十輩試問曰四明兩重能所之義不用繁詞  
以乃祖疏記之文加判釋否時諸子各呈句  
解栻預數焉荅曰知陰即是而能成觀此輔  
而而則略印願諸徒曰和栻得之矣又就台教  
觀出五試問唯以栻荅為最也台教中至有  
律義印避解於栻儕輩因而受謫決者多矣  
印嘗謂曰傳聞日東盛行密教恨此土一廢  
不起子已通串盍迴已倒之瀾乎開禧虜寇  
印薦奏栻欲習李唐不空三藏安西結壇例

苻苻建久  
十年入宋建  
曆元年飲朝  
治於十三年也

然時論早也亂靡而不果為可惜而已栻就律部  
出五十三問時之律匠皆為難荅而莫不把  
翫誦憶臨安府不空教院了然芝崑淨懷淨  
梵妙音會稽極樂院智瑞各送荅釋皆不合  
栻意歸朝後日山寺守一作荅釋寄送嘉定  
三年秋往四明問鄉舶其歲又如温州依德  
廣律師學七滅諍四年春二月反明州乘蘇  
棗六舩駕溟波著長州安武郡乃建曆改元  
辛未歲也其傳來者佛舍利三粒律宗經書



花曾受家  
教于南有師  
資之契故  
有所請待也

三百二十七卷天台章疏七百一十六卷華嚴章疏百七十五卷儒書二百五十六卷雜書四百六十三卷凡二千一百三卷其餘畫畫碑帖器物等甚多榮西禪師問荻來歸馳至博多慰問曰早入京師四月至建仁寺西公率眾迎接請待甚厚二年冬移崇福寺寺有銅支提俗呼曰金塔者也貞應三年十月依肥州刺史平家連請入相州時武州刺史平素時領天下兵馬副元帥德威兼重聞荻

入境屈鑣倉營受菩薩戒故大將軍源公夫人特進平氏法諱如實請受戒法嘉祿元年十月於泉涌寺建重閣講堂明年之春華搆落成即結安居并啓講席二儀皆式宋土法制軌則肅如也台律二宗指泉涌為中興元曆上皇於賀陽宮受菩薩戒妃嬪公卿慶滿請木叉者多矣建曆帝亦受菩薩戒有貞慶法師者相宗之類也常嘆律幢之類壞及荻之歸自抱事鈔取決焉而喜宿霧之有披也

人行事鈔戒疏其清律三大部也

後鳥羽

須德

後堀川

解脫上人



然至戒業二疏集義鈔等未暇置喙也苻盛  
唱四書兼講諸部初肥州官吏秦氏有女年  
十九卧病彌留醫巫拱手殆屬續輿至寺邊  
蓋秦氏與苻有檀契女若不起託極濟也已  
而嗑然父壻悲慟而失度母氏泣啓曰我女  
平居常志剃落而父壻及妾不聽不幸早夭  
不啻不果素志亦妾等之遺殃也縱雖屍髮  
願賜薙墮又救拯之一端也苻愍而剃髮而  
授戒母又哽噎重啓曰既遂夙志恨女之不

知也豈無法力之得片時蘇息乎願師加慈  
驗令我女知本志焉苻憐焉即課密法及後  
夜女身暖回到明相吐氣眼開禺中時言語  
如常父母歡甚問女曰汝陰中有何事女曰  
我唯詣上人灌頂之室聽法事覺身爽朗忽  
如夢醒不知死也父母携歸家遠近聞見莫  
不嘆敬宋開禧三年春秀州壽亭縣章氏白  
北峰曰男蓋銳卧病已三年願受法救縱不  
起猶得食一匙又足而已印曰日本苻智行



若今有法  
驗可感悔  
支那之無  
密乘也

兼備我不如子其索彼焉章氏哀懇苾修不  
動使者法期七日至第四日壇上東北角燭  
無故自滅苾啓印曰密壇有軌息災壇燈燭  
自滅悉地不成請不終期即破壇印曰章志  
可憐乞勿破壇專疑丹誠秩豈勝德苾不得  
已訴本尊曰密乘軌則此方已絕只我本域  
獨能煽傳我在異境適修供法若失感應非  
唯貽本邦之耻何不激此土之一感悔乎精  
修益堅至第七日蓋銳起坐食啜合家悅懌

歎未曾有章氏親服用九種印迎苾喜曰章  
氏之子無恙乎苾曰不也印曰何起食如常  
哉苾曰密法中不動深悲之尊猶回定業者

密法中不動有六月延命法

十八旬章氏之事是也願師有重啓其再命  
也後三月蓋銳果殂又同州周氏妻產數子  
每產甚艱殆入死地而其兒皆夭又孕焉已  
經三年未誕劇苦不可言也醫巫無驗周氏  
詣趙果乞救於印印語周曰苾法師蘊密教  
秘軌吾聞彼法銷宿殃祛重苦子其乞渠焉



周氏來訴，苻拒之不許。周氏借命於印，苻到周家，修七佛藥師法，順軌建續命神幡。時暴風俄來，破屋折樹，苻誓曰：法若成就，願幡旋不為風壞。果如誓，第七夜，孺人夫人自語夢童子來揖曰：我是母家之夙仇也。入汝胎，擬汝命者數矣。這回已決焉。而日本苻師修法，威神轉我怨懟，還得昇脫。自今以後，不有慘毒，覺後身體爽健。召姆探胎，姆曰：無孕事。何乎？孺人告夢，合家嘆異。孺人乃以三千緡買衆香熏染。

綵縷者三年矣。沐浴潔齋，著淨衣，繡彌陀觀音勢至像，報苻綵繖莊麗，光曜奪目。開展之間，奇香發越。苻携歸，與建仁西公西獻後世羽元曆上里苻歸時，寓四明律寺，待鄉便。先以佛像經書載於舡，一夜大風暴起，諸舡皆碎，其數八十餘。故老皆曰：自古未有如是迅颺而苻之載經之舡，無少損。沿海吏民，寓感異於苻。明年泛洋，猛風俄來，浪險舡危，舟中震懼。苻端坐不動，默誓曰：去歲四明之風波，寓經舡。



猶無恙況今日乎天龍豈其舍諸時大星降  
檣上光大如車輪一舩仰見且怪且負焉星  
隱後風立息初苻倦遊歸本邦棲遲筒嶽伐  
松芟荆創一伽藍号正法寺當夷基趾徃徃  
有礎石苻以古基偶合為勝地宴居於此或  
授密灌或宣戒法徃來緇徒常百餘貞建保  
六年復和州刺史朝散大夫中從五位下信房以仙遊  
寺與苻居此寺文德衡三年左僕射緒嗣之所  
建也初名法輪後改仙遊苻又改泉涌洛東

之勝區也寺經數百歲廢頽尤甚苻便作化  
疏奏元曆上皇上皇降施甚渥貞應三年七  
月勅黃門侍郎源通方上為官寺初建又六  
年苻在筒嶽正法寺味木縣人辨慶夢入一  
山寺空中忽有神僧告曰筒嶽之苻師者五  
百生修道之人也汝盍拜之覺後感喜詣寺  
禮謁歛密苻自二十七歲絕璽衣裸裎布褐  
者十餘年一日北拳語曰若欲弘道長養色  
身風冷相侵恐廢利濟已稱瀉瓶莫忘傳燈

瀉瓶者不遺者  
付校不遺者  
猶如酒餅水  
也或云酒餅  
辨



咨尔形骸宜慎保護即以帛被度與苾自此  
釋褐焉印常對衆稱賞故公卿士庶踵北峯  
之闡域者先訪訊苾焉印以苾之妙得宗旨  
授法語并唯心淨土之記嘉定初遊上都寓  
靈隱之下天竺與輦寺三宗諸名宿商擢法  
義公卿大臣聞名歎艷者史待王丞相錢相公樓  
參政楊中良等皆廊廟柱石儒林英華也臨  
安府菩提律院住持遷化諸寺律學者會議  
欲擇偉器應官奏時律衆議曰不用別揀智

行唯以能答日本苾法師難問者可充其選  
會稽端律師畫苾像入祖堂題贊上曰稽首  
天人大導師家住海東大宰府秋中片月爲  
肺肝雪後諸峰作眉宇來杭一萬里慈航歸  
降七十州法雨斯何人也斯何人日本傳律  
弟一祖苾在宋感應甚多故超果院善明之  
書略曰日本苾法師戒行道德華亭士庶尊  
敬如佛祈禱持咒驅惡攘災皆有靈應蓋古  
之聖僧之儔乎又山陰義銘述不可刹那無



此君贈苻銛号朴翁内外兼明禪教並通所謂會稽名士葛天民字無懷者也銛又寫南山靈芝二師像倩四明樓鑰述贊其上以送蓋樓公為當時父宗也迂齋先生者即參政也諸方名宿各著書偈嘆美德義靈芝志隱開元道源等也苻將來十八羅漢像者開化寺此丘尼正大師之所施也正語曰見師之相見死似第十七慶友尊者恐公非凡故賦此面願歸本土令人瞻焉苻携到明州時翠

十二卷法華經像二條云

岩主者來見曰此像者唐禪月大師所畫也我昔一見後亦不遇子得之可謂靈珍昔國主固藏宮禁人不容易見况入手哉今只其第二傳寫在育玉山猶為秘蓄此像之貴不可言也持返故國不啻子之靈貨而又海東之幸也又有秦里封國貝多葉及赤布一段斯乃彼國獻象於宋主彼王差官使并三沙門共象來三沙門者修多羅僧毗尼僧阿毗曇僧也彼國天竺邊地宋梵異音言語多泥



意緒難達，苾素善悉曇試，以梵字書師子奮  
迅三昧名，問之秦里封僧，有通解色而不能  
言時，有狗臥傍，彼僧酌水灑之，狗俄起奮身  
而去，梵僧笑而指之，示苾，梵僧又書梵字授  
諸宗僧，皆無知者，亦呈諸苾，苾曰：是乞鉢孟  
之詞也。宋僧出鉢付梵僧，梵僧大喜，以為逢  
著知音也。即以貝葉赤布與苾，時宗人嘆苾  
之通梵書焉。建保二年，復下竺粹古雲託沙  
門良佐寄北峯，真愷蓋粹者同門昆弟，講法

義之禮也。延曆寺座主慈圓教門之領袖也。  
從苾請益名，卿鉅公欽風者多矣。左僕射藤  
公甚厚，每年正五九月各一七日，寓寺聽講。  
臨啓手足先約，苾來眎苾至，以伽梨授僕射。  
僕射便起坐，合掌向西而薨，其生死契厚如  
是。太相國藤道家天福帝之外祖也。累葉宰  
轉一出冠冕，常招名德，宣揚經論，厚遇苾苾。  
著佛法宗旨論念佛三昧方法坐禪事儀各  
一卷，三千義備檢二卷，獻相國。又授唯心居



士之号嘉祿二年春寢病相國駕來問疾即  
割讚州二村鄉以充寺供苜報以宋本經王  
一部且為終贖相國答書略曰和尚傳來圓  
宗本經一部敬領遺意雖為唯一無二之談  
且有彼此傳授之義者乎閏三月七日集大  
眾自起燒香告辭苦口遺囑大眾嗚咽良久  
曰法界一念謂之空一念法界謂之假念界  
融絕謂之中絕念了當起佛地八日夜晝偈  
曰生來偏學經律論教一時打併寂然無害

無真窟也  
空告

寫了向彌陀像合掌頭北面西右脅而逝年  
六十二臘四十四苴性恬怕不事浮華所有  
施利偏充修營弘法持律寤寐於此又涉外  
學有文藻頗善筆翰在宋時寧宗皇帝敕書  
如意輪咒秀州人周晃及錢氏等皆蓄其書  
碑銘記讚于求者填闔云

宋傳傳云日本空海法師傳空宗於不空  
弟子專果圖利而得  
又編年通載道遠傳教授事甚備

貧曰予讀唐宋之策載此方之諸師者多矣  
其間雖崇德偉器大率似偃詞焉豈以異域  
乎獨其釋門正統者繫苴而列粹古雲之上



自誓  
梵網云若十  
里內無能接  
戒師得佛  
菩薩形像  
前自誓受  
戒而要見  
如相

也豈有抑而不得已者與簡北礪又稱荻者  
屢見其集焉今考其事迹誠一代之魁才也  
釋叡尊歲十一離家師事醍醐山睿賢十七  
落髮學密乘初唐鑒真天平勝寶六年傳持  
律藏流衍上邦年代悠久其學寢微尊常痛  
律幢之摧圯嘉禎二年與同志者四人依大  
乘三聚通受法自誓受戒自爾居南京西大  
寺盛弘戒法四律五論三部者戒業事也五部律二大五部無不研究  
寬元三年於泉州家原寺又行別受法此歲

七眾者  
比丘比丘尼沙  
彌沙路尼優  
婆塞優婆  
塞夷式沙  
摩尼是之  
謂七眾也

授法華寺文篋沙彌尼戒後深中長元年於法華  
寺授慈善等大比丘尼戒至此七眾皆備戒  
學再興成于尊也龜山文應二皇聞尊之戒行詔  
入宮受菩薩大戒后妃公侯望塵真受者多  
矣依見正應三年八月二十五日終西大寺年九  
十尊內持密教外興律宗旁涉唯識以故講  
論可聞徒屬振振德威震四遠密灌者七十  
餘人道俗受戒者數萬人置放生於諸州一  
千三百五十六所依見永仁中賜謚興正菩薩



梅樂寺開山

贊曰吾嘗患士之不自樹立矣偶見興正師之起律派於既倒之後益固我前言焉何也招提數世之後使人如興正之志豈有今日寢微之患乎繇此視之興正之出中人者宜矣加之興福放生幽明賴之今世其家者皆勤於此矣於戲其塵垢糝糠猶或陶鑄善人乎

釋忍性姓伴氏和州磯城嶋人也歲十一投信貴山十三捨不食肉十七登東大寺戒壇

先度者善善人先利他故也

延應之間有四律匠于南京圓淨誘賢覺盛叡尊性就尊受篇聚之學兼聽盛之持犯建長四年語同學曰正今南畿毗尼屬我尊丈也東州未有久矣我雖未得頗欲先度耳是我輩之志也乃如常州宅清涼院闢律學弘長之始入相陽止清涼寺平副帥時賴鄉道譽創光泉寺而居武州刺史平長時欽性律行新極樂寺延之性移焉熾唱開遮東方之民靡然偃風初正嘉中後深中有沙門營一字安丈



六彌陀像名曰極樂寺未落而亡武州之父  
重時遷其宇于今地謂持佛堂者為齋場至此武州與其  
弟業時勸力修營成巨刹性戒講之餘切干  
興福募眾緣造丈六文殊大士今般若寺之  
像是也寬元初集王畿癩人萬餘施食授一  
日夜八關齋戒薦母氏之諱也奈良坂有癩  
者手足繚戾難于行丐以故數日不食之有  
矣時性在西大寺憐之曉至坂宅負癩置壓  
市夕負歸舊舍如此者數祀隔日而往雖風

雨寒暑不缺焉癩者臨亡誓曰我必又生此  
間為師役酬師德而面留一瘡為信耳果性  
之徒中有瘡干顏者善供給人呼為癩之後  
身性詣四天王寺聞豐聰太子四院施藥療  
田敬事志慕焉自此處處搆療病悲田之院其  
桑谷療病所二十歲間痊者四萬六千八百  
人死者一萬四百五十人已而活者踰五之  
四也是役也平副帥時宗發之性轉成輔之故  
以土州大忍莊充其費遠至龍華也永仁二



天王寺石  
衛門創

年奉勅管天王之主務捨俸餘益悲敬二院  
此寺大門之外有衛門俗名鳥居鉅木宏材歲久  
朽頽性出新意以石新之高二丈五尺堅確  
瑩滑國人拭目後二条嘉元元年六月病七月十二  
逝府官以降受戒者連屬壽八十七性修營  
伽藍八十三所塔婆二十基大藏經一十四  
藏諸州河橋一百八十九所  
贊曰予考性師之事利濟之迹可見矣蓋又  
出其家焉抑不知戒之挾檀乎檀之挾戒乎

元亨釋書卷第十三



大日本自延文庚子六月有旨入昆廈大藏海藏禪院高居比丘單況等謹募眾緣恭為  
今上皇帝祝延 聖壽文武官僚資崇 祿位國泰民安命工錢梓與

大藏經印板共行一部計三十卷旨貞治三年甲辰正月

日謹題

# 元亨釋書卷第十四

濟北沙門 師鍊 撰

擅興七

唐傳此科作與福此書配十度故作一一也

菅原寺行基

愛宕山慶俊

禪林寺真紹

觀喜法師

寂仙法師

補陀落寺勝道

日光尹少



恒寂法師

淳和天皇第二子  
号亭子皇子

高野山真然

弘法之甥  
金野峯寺付弟

高野山祈親

高野每真

蓮入法師

眉間寺道寂

谷汲寺豐然

相應寺壹演

一階僧正

山崎寺慈信

号空鉢上人

行願寺行圓

号草上人賀茂致  
事

良峯寺源等

因列人也初年出俗  
唐及社廟還俗後  
年又出山於高峯寺

六波羅密寺光勝

定也上人

神護寺文覺

東大寺重源

釋行基出世姓高志氏泉州大鳥郡人百濟國

王之胤也天智七年生及出胎胞衣裹纏母

忌之弃懸樹枝經宿往見出胞能言父母大

悅收而鞠育童稚之時與兒輩遊動讚佛乘

村里牧豎之兒捨牛馬而從者數百人其主

或覓兒童馬牛到基所聞其讚說不問兒畜

感泣而忘歸基之說誨頃牛馬散諸所主各

以為已失也說已基上高處呼牛馬應聲而

來各主牽去率以為常十五出家居藥師寺

學瑜伽唯識等論於新羅慧基又從義淵益

智證二十四受具足戒於德光法師基事行



化道俗追隨之者以千百數所過遇險難架  
橋修路指某地之可耕墾點某水之可澗灌  
穿渠池築堤塘計畫功績不日而成州民至  
今賴之王畿之內建精舍四十九所諸州往  
徃而在焉某嘗行化返故里里人捕魚而宴  
池邊某過其地年少戲以膾薦其某喫之須  
臾臨池吐出皆為小魚游泳去見者驚伏某  
私度沙彌救禁園身在獄中而出遊里開獄  
吏以聞詔赦之聖武帝甚敬重之天平十七

僧正職先有德冠諸僧正故如以大字云僧正有三人太正權也大行基正觀勸權源各也

年為大僧正此任始于基時智光法師者有  
辯慧嘗疏孟蘭盆般若心等經聞基榮授曰  
我才智宏淵行基只營小行耳朝廷存我取  
彼何乎抱嫉恨隱山谷光一夕俄死其徒以  
忽殂未葬十日而蘇語諸弟子曰冥使驅我  
而行路有金殿高廣光耀我問使者此所何  
冥使曰汝稱智人何不知之行基僧正受生  
之處也又進行望見煙焰滿空問之荅曰汝  
當墮之地獄也既而到閻王所王呵曰汝於



關浮提日本國有謗嫉行基僧正之心今所以召汝者治其罪也非命終也即令抱火銅柱我肉鎔骨融而後放還言已馳謝基基時在攝州造難波橋遙見光來而微笑光伏地作禮悔謝說夢事二十一年正月皇帝受菩薩戒及皇太后皇后乃賜号大菩薩二月二日於菅原寺東南院右脇而寂年八十二基之所過耕夫捨耒組織婦投機杼奔波禮謁村閭闐咽而不容易往來云

駢闐鳴咽

愛宕山

贊曰佛法入日域而二十歲豐聰皇子在襁褓而讚佛乘居儲貳而宣真諦其後五十年基公出焉伴孩癡而顯異受此時佛法未入初王畿寺院猶官務况皇王之大賜欲揚教法先營刹寺畿甸半百邊徼哉故基去先營寺院然後欲使諸脹相次躋乎基之為名也我道之地乎

釋慶俊姓藤井氏内州人事道慈學空宗居大安法華寺嘗開愛宕山為第一世天應元年為僧都性懷悲愍好施貧病

釋真紹幼事弘法大師長受灌頂千實慧齊

今若王子者其鑲寺也



○衡之間建禪林寺貞觀十五年七月七日滅  
釋觀喜和州人也行住坐卧唱彌勒号好修  
古塔廢寺自出材運土或乞路人加助常搥  
鼓唱彌勒上生堯率天四十九重摩尼殿等  
偈而勸發人心歸寂時異香盈室

彌勒下生經云

○釋最仙嘗任常州講師戒行備足四眾歸崇  
性抱利濟修寺院掃堂宇夷險途架絕梁走  
急救危切於已逢旱澇不待延請祈求修法  
屢有感應問疾餉餓存活之者多俗号悲增

大士

贊曰吾法有莊嚴佛土之句是大心士之事

金野經文諸注往々有八

業也諸師營新宇修廢寺夷險塗架絕橋皆

是也佳年彼莊嚴者此莊嚴也矣

從莊嚴者今之修治寺也  
此莊嚴者莊嚴佛土也

○釋勝道姓若田氏野之下州芳賀郡人早出

日光山

塵累鑽仰勝業州有補陀落山峯巒峻峙振  
古未有涉躋者道以神護景雲元年四月企  
跋涉路險雪深雲霧晦暝不能登止山腹凡  
經三十七日而還天應元年孟夏又興先志亦



屈而退。延曆之始。季春之月。發大誓。致勤修。且曰。者。回不到山頂。亦不至菩提。漸達干頂。衆峰環峙。四湖碧深。奇花異木。殆非入境。道堅誓所。遂悅目喜心。乃結蝸舍於西南隅。修懺又三十七日。道雖究山區。未盡湖曲。三年之。復造小舩。浮東湖西南。此湖備極游蕩。就其勝處。建伽藍。曰神宮寺。居四載。道行與靈境並傳。桓武帝聞之。敕任上野講師。又於都賀郡創華嚴精舍。大同二年。州界大旱。刺史令

道祈雨。道上補陀山行法。雲甘雨速降。百穀皆登。ナル成也。冊者給旨。イサ也。蓋給旨。イサ隨代。有差異。或云宣。或云冊也。

釋恒寂。天長帝第二子也。姿儀端雅。好讀經史。綴文辭。承和帝冊。為皇太子。監撫之暇。志慕佛乘。常辭儲位。事逃逸。帝不許。承和七年。天長上皇崩。九年。弘仁大上皇崩。太子廢。為金紫光祿大夫。謂左右曰。元志逃佚。今是時哉。乃隱淳和院東亭子。俗曰亭子皇子。嘉祥二年。薨。受沙彌戒。時年二十五。貞觀二年。

桓武帝二子

任明末皇

煬帝二子

天長天皇

桓武帝二子

清和



受具足戒。教從真如阿闍梨。真兩部密法。晚  
以莊田資產捨。大學寺見今在北山大學寺者弘仁帝之  
故宮也。天長大后改為佛寺。寂造丈六彌陀  
像。又度諸經論等。寺供僧額皆寂之所置也。  
仁光孝和元年九月二十日。浣沐淨衣。入室禪坐。  
翌日禪扉不開。弟子恠之。啓戶見之。向西踞  
跌。近而觸之。膚體已冷。年六十有二。兒才操  
似父。寂出家日。二子同剃落。寂善草隸。弘仁  
天長二皇。世稱二妙。然論者言。承仁勁筋之

肉。天長豐肉。軟筋。筋肉均平。肥瘦適宜者。只  
亭子皇子也。

号中院僧正  
又号高野  
後修正

釋真然。姓佐伯氏。讚州人。弘法大師之甥也。  
就而學密乘。又受真雅弘法之弟也之灌頂。法臨入定。語  
然曰。我以此山付汝。汝其勵志。營構為鎮護  
之靈區。真言之教場。汝其勗乎。蓋金剛峯寺  
此時未成。故有此遺訓。然盡心於營造。以故  
高野之峯為然之門院。寬平二年為僧正。三  
年九月十一日滅。



○釋祈親七歲喪父十三投興福寺學相宗有  
聰慧譽偶省母疾落髮母尋死自此持法華  
薦二親時稱持經者以故名焉行年六十忽  
自念言二親之間我只一子偏專愛憐報生  
祈特怙真福故自字云祈親  
苦樂恬不省豈孝子之情乎便詣長谷寺期  
一七日索知特怙生處第三日夜夢或告曰  
西南有山曰高野金剛峰汝其往彼必得感  
知乃以指指西南其指端放一光金剛峯寺  
山川殿宇灼灼在目翌日赴紀州已而至高

野此山弘法定後距今八十餘年廢毀尤甚  
荆棘塞路親披榛莽到塔所祈求如長谷一  
日忽淨眼根見觀史內宮庭上有三莖蓮華  
菩薩各坐二花一花未開親問曰是菩薩為  
誰對者曰此二大土汝父母也是汝法華讀  
誦之感報也其不開之者汝當坐目親見野  
山之廢委身修營不幾榛棘復輪奐金剛峯  
之再興者實親之力也

○釋蓮入居伯耆大山寺勤精修寬弘之間詣



長谷寺期七日誓曰願大悲者示我來世所  
居第七夜夢一比丘從殿帳出曰自此西南  
今歸置也九里有勝地汝止彼修練必生堯率內宮覺  
感喜即至彼東西山高地形邃闊而無堂宇  
又絕人蹤入偏遠夢事居一樹下其夜西方  
有光入以謂魅怪也夜夜如是然無燒害一  
朝往光所有大巖上置石板敗葉埋積苔蘚  
固封入去蘚葉立板拂拭石面雕彌勒三尊  
像其刻畫奇妙殆非人工也入作奇想益固

前夢普告四來勸建精舍經年終于此臨亡  
果有祥瑞

釋道寂未出家時貪營家產不為佛事一旦  
幡然志剃染便思忖我塵垢甚厚豈容易發  
菩提心乎當祈佛祠乃詣長谷寺一七日夜  
精修欣求夢老僧語曰菩提心無體相即如  
是心名菩提心覺而猛省便出家浮遊名山  
靈區後居元興寺坐禪念佛夕陽時必向西  
觀想又移住眉間寺其主者有舊好嘗擔作



一肘謂一  
磔半者  
羊肘也

一磔手半觀音像一千軀功未竟寂戮力勉  
勵不义而成寂修福業鑄洪鐘三捨東大長  
谷金峯三寺又安三年十二月小疾唱彌陀  
而終年八十餘

贊曰予見諸子之有為也不徒爾矣道之興  
者勇也寂之興者業也然者承託也觀者依  
孝也慎終者入也輔舊者寂也皆各有旨乎

哉道者登先哲不降之山故云勇寂者捨資立座於大學非也者即作帝之故官也故云業然者承託法之託  
親者依慈親之孝入者索知末世之死者故云慎終寂者戮力而竟造像之功故云輔也

釋豐然欲營勝藍安觀自在像延曆中相攸

至美州谷汲搆精舍當平基鑿一巖忽石中  
油出然生希有心誓曰我於此地安大悲像  
若博利來世願此油益多言已湧如泉然大  
喜便安十一面觀音像長七尺五寸自是靈  
感溢傳延喜中朝廷聞其瑞應賜額華嚴寺  
其油漸微今猶足殿前常燈云列監群吏爭食油利故油  
漸微云  
釋壹演姓大中臣氏洛城人父備州刺史治  
知也演少翔仕途二兄相繼亡因而厭世幻  
拋冠纓師藥師寺戒明出家承和二年受具



戒常持金剛般若真如闍梨見為法器授以  
密教演居止不定或宿市廛或住水邊適至  
河內一老嫗讓宅曰此地商賈之巷魚鹽之  
津非師深悲誰諭愚頑邪願居此宇成精藍  
焉演平基趾土中得古朽佛像支體不全人  
傳為異漸達天聽敕將作監監營構賜額曰  
相應寺演運黑土築方丈壇安尊像壇變白  
恰似塗粉見者竒之又建感應寺事在寺像  
志皇太后不豫延演持念病即愈貞觀七年

階僧正  
こころ子始

太師藤原房寢疾百方不效屈演加之所患  
立差上大悅擢僧正演抗表辭之上不許九  
年七月十二日乘小舟浮水奄然遷化年七  
十五謚慈濟

釋慈信有神異常飛鉢乞食故世号空鉢上  
人初攝州中山有十一面觀音像昔上宮太  
子令百濟佛工刻之像成時時放光古老傳  
像放光照巖其崛成金色延喜中信對像啓  
曰我此日域何地為靈區乎我願殫力於營



幹其夜夢像告白我平等慈悲無刹不現然  
山州山崎其民緣熟信乃移像於彼又飛鉢  
求營造邪輩多作侮慢此類咸受疾邪衆悔  
過歸像疾盡愈一日信採花而出還見無像  
旁尋四旁去房半里像在草裏而立信已到  
此像語曰我非厭子而去此地來世多吉祥  
故我來此子只歸院安居信以像言書側石  
四來聞見傾伏營構不日而成  
釋行圓鎮西人寬弘二年遊帝城頭戴寶冠

身披革服都下呼爲革上人圓持千手大悲  
陀羅尼又欲得好材刻其像一夕夢沙門來  
告曰明日送爾異材翌朝果一僧至語曰賀  
茂神祠側有一槐木莓苔纏封不知幾千百  
歲其外似朽內甚堅實每至六齋日槐畔有  
誦千手神咒音近見無物遠聞有聲自古名  
爲異木是子之所求材也古老傳言昔城北  
出雲路有小女臨鴨河浣衣一箭必流而來  
女取見之鴨羽加笈女携還家插簷牙自此



女娘已而生男兒。父母問其夫。女曰：無父母，以為匿也。兒三歲，父母議曰：世豈無父而有兒乎？思此里人，乎宜具酒膳大宴。里夫令此兒持杯試告言：以此杯置汝父所，其得杯之人便見之父也。議已，多會鄉人，數爵之後，令兒送杯時，兒取杯穿眾人出堂，而置簷上。鴨箭所父母及諸胥怪之，相議曰：是箭屬鴨羽，宜姓此兒為賀茂氏。鴨和訓也於是兒化成雷上天母，又同時登天而去。今之賀茂中祠昔

為田中時，田主已播秧數畝，其苗俄變成槐樹。母氏降樹下為神，今賀茂中宮是也。見又降為神，賀茂上宮是也。其槐歲久偃仆，世貴為靈木，不厄樵材，故至於今也。子乞神官刻菩薩像，圍喜而詣神主，告事神主，不斲不日而成像，長八尺，營行願寺安之。以圍衣革俗呼行願寺為革堂。後仁弘法師得餘材，又造八尺像安良峯寺。

俗謂講堂者非也

釋源算因刈人，母娘時勞苦異常，及誕以為



不祥子弃之。路傍牛馬不踐，鳥獸不害。三日無少傷。隣人恠之，收而育之。及總角上春山，經年剝落，受戒壯歲，還俗。丁母喪，不任哀毀。返本山，登壇重受。時年四十五。後至西山良峰，枕石嗽流，清修自適。欲創道場，基址不平。岩石磊砢，難施。畚鍤，箒愁之一夕。夢異僧告曰：上人莫愁，我助健夫。次夜野豬數千，鑿巖負土。翌早見之，基地坦衍。乃創蘭若。良峯有午鳴之地者，自箒始，箒持佛舍利三粒，一朝

疣羽末切疾  
疣腫結病也

癬惡踐切  
癬皮膚病也  
疥癬也

失一粒，箒常憂之。寬治五年九月，啓法華講會，供舍利席上，得舍利一顆，即所失之者也。箒悅之甚，始失舍利，後龙肩生疣，已數年矣。及舍利返，疣自愈。乃知舍利包在疣中間，見異之。自入良峯七十餘年，不踐紅塵，長卧白雲。京師邊地，慕風奔赴，漸成寶坊。徒眾益繁，箒厭誼鬧，去寺不遠，別構草菴，閉門宴坐。動經時日，七十年來，不破齋。或數日斷食，衣無蟣虱，身無癬疥。池蛙聞爾，庭鳥相馴。承德三



空也上人  
六波羅蜜  
寺創

年暮春結定印端坐而逝經日容兒不變其  
徒闕全身年一百一十七歲

贊曰或言古之興建必有感何對曰神靈助  
發也曷為然有道也蓋膏油非石礫之生也  
豚豬豈使役之類乎朽佛出地中靈像立草  
裏終古苔枿一旦就斷寧非神助乎因此而  
言五子者有道而感者歟

釋光勝不言姓氏為沙彌時自稱空也人又  
不諱言空也少好佚遊天下殆遍所過道塗

多為利濟荷鋤鍤斃拾石鋪濕架破橋修廢  
寺無水之地多空井井必甘冷以其常唱彌  
陀号俗名彌陀井往往而在焉荒原曠野每  
逢遺骸摺聚一處念彌陀名灌油而燒過弱  
寇於尾州國分寺薙髮為沙彌天慶元年入  
王城於市壓唱彌陀勸化人人呼為市上人  
天曆二年四月上天台山從座主延昌得度  
五年京畿疫死屍相枕也憐之自刻十一面  
大悲像祈之像成疫止其長一丈於洛東勸



四衆創一藍号六波羅蜜寺奉安像焉也居  
播州揖德郡峰合寺者大截有不通處夢金  
人來說阿州海中有嶋曰湯嶋觀自在感應  
之地也也焚香臂上七日夜不動不睡願見  
大悲真身其像放光也在雲林院一日入城  
有老翁倚城垣其負甚寒齒牙相戰也日尊  
老凜寒何立此乎對曰我是松尾明神也頃  
受般若法味未上白牛法華曰重教統經統經之車以故貪癡  
之風逼我膚師善法華願有意乎也脫衣度

與曰我著此衣讀法華者四十年其妙香薰  
皆染是衣今獻之可乎神悅受之便披身相  
温如無復寒氣老鍛工禮也曰日暮道遠如  
生死何也教曰只專念彌陀工辭還中路逢  
賊工潛念彌陀賊見工曰空也上人也捨去  
應和三年八月延名德六百人於六波羅蜜  
寺慶讚金書大般若經此日文殊大士現比  
立身受供語在淨藏事中始也寫經欲以水  
精為軸其玉凡一千二百顆不可容易而得



也詣長谷寺歸途次勝部寺一比丘問也此行何乎也說軸事比丘曰是寺昔有沙門發君願而未書經先貯軸珠不幸而命終捨曰我來世必竟功莫令玉散失乃造石函埋在地中今聞君言恐再誕乎便將也穿地果得軸珠與羽二州夷狄之地佛化少至也負像經往彼說法二州順化者多和州別駕伴典職妻年老為尼常詣也聽受天祿三年九月也送破衲尼所令其綴十一日左補緝已馳

婢曰我師期近汝走速獻婢及復曰上人入滅尼不驚也臨亡時著淨衣執香爐端坐語門人曰無量聖衆來迎滿空語已氣絕而手中香爐不傾時香氣滿空音樂響天年七十臘二十五

贊曰天慶之前念佛之人希矣也公出此時鼓黔首之民倡市廛之佛事其後信空師挾性具而和之方今孩嬰稚兒戲謔娛悲靡不以彌陀為口号者化之遺也噫乎也之檀



之覺

興者不在彼而在斯與

彼之相與也斯之念佛也

釋文覺姓藤氏親衛精進校尉持遠之子也覺俗名盛遠以家業早備官掖衛兵曹年十八謀斬婦首因茲薙髮修歷靈區後回上都至城北高雄山寺院宇朽頽榛莽埋路覺以謂昔弘法大師與八幡大神親於此地唱和密乘況ヤ寶字神護之間國祚有虞故大神託和清建精舍是以光仁帝号神願寺淳和天長帝改今名近世王室艱厄恐此寺圯廢之所由乎我

太平曆字  
太子神護

光仁帝忠大神之詞將建精舍利因皇号然未得云區今高雄之地者元和清之坐居内也清以親聞神言故施以此地  
帝大悅立伽藍于神願寺

雖居方外皆王民也斯地之廢二諦之亡也於是乎發憤竭力於修營乃作化疏普于諸檀一時入保元上皇宮奏幹事適官宴絲竹迭起羣臣歌舞不遑以聞覺性強直以為侍臣阻沮也便近官聞捧疏呼稱覺聲龐大絃歌錯紊上皇大怒付廷尉獄又竄且州始武衛將軍源賴朝自永曆貶屏此邦逐客放臣羈旅艱窘聞覺新謫逃虛足音猶得一寔况故都名僧鄉情可據就而謁且曰父祖受官



誅身錮遠黜願以我髮煩師手可哉覺熟視  
 曰公必領天下兵馬之權不可失也自此益  
 狎後身羽治承之末源公奉詔伐平族至文治始盡  
 殪後身羽元曆帝賜元帥之任果如覺言以故與源  
 帥善神護之搆復不久而成源春日渥道福  
 倍盛又修東寺二寺之修營覺之力居多覺  
 耐苦行他人不及嘗在那智山發大誓七日  
 立籠下時臘月頭髮皆凍瀧水觸之其聲琤  
 然過三四日膚體通冷氣息已絕而身不傾

忽一童兒來以手摩覺自頭至脚其手甚暖  
 覺乃蘇問曰何人對曰不動尊使我保護師  
 耳言已上天覺益勇健謂明王加我我豈慮  
 命從今增日盈三七然其後瀧水煖如湯又  
 無寒苦覺受瀧水竟三七日其責且州誓曰  
 我若成神護之修波上舟中至豆州不言又  
 近不敢飲食而命不終或又嗑焉營復之不  
 成也營復之不成也生何如死經三旬著州  
 上遂無飲食云



釋重源黑谷源空之徒也仁安二年跨海入  
宋適與明菴西公遇于四明相伴上台山拜  
蒸餅峯阿羅漢又返明州見鄮嶺舍利瑞光  
三年秋偕明菴歸治承四年東大寺罹寇火  
朝廷令源領幹事源以為昔聖武大帝舉斯  
役以王者之威福猶募幹緣于天下蓋分勝  
利十萬姓也故聖疏曰一針一草各人各佛  
况近世王室多故非官司之獨有也我蓋  
負而禪官造乎源有巧思乃作一輪車大可

初朝廷以幹事管源空、卷云予性難堪幹緣、任徒弟、中有俊章者可丁其任以故令源領幹事、

容身車之左貼詔書右幹疏巡行州縣勸勵  
萬民其巨楹碩梁長二百尺大數十圍源巧  
畫妙計運轉如神梓人皆附而乞指授十餘  
歲建久六年春三月落慶上太上皇從百司  
幸寺大將軍源賴朝監護宿衛法事之壯觀  
也源設置遺像于寺予遊東大寺衆人聚一  
所予怪而往古衾舊杖人爭頂戴予問故對  
者曰源上人之遺具也詣寺者必先捧戴摩  
拏予熟見其杖發光瑩如也蓋把玩之為也

源公不畢功而逝予光時落成云



是以知源之遺愛矣耳

贊曰昔者禹竭九溝洫後世稱禹以大功者是也然禹之德亦廣矣方今言覺源者只稱其功而不稱其德我恐二子亦有禹之廣者乎蓋功亦德也夫功者德之顯者也德者功之隱者也隱顯不齊所以為德者一也學者思之

本  
印土有德光澤師極小者學得六神通將拜善氏尊以神通詣兜率內院見善氏尊戴冠冠思  
而言善氏是善才之導師何在善才形哉豈以比丘身拜在善才空遂不作禮而歸善氏小  
幸備念之所致也

元亨釋書卷第十四





